

Bosna i Hercegovina  
Federacija Bosne i Hercegovine  
KANTON SARAJEVO  
OPĆINA HADŽIĆI  
- Općinski načelnik -  
Služba za razvoj i stambeno-komunalne poslove



Broj:  
Hadžići, 18.05. 2020. godine

Općinski načelnik, putem Službe za razvoj i stambeno komunalne poslove, na osnovu člana 18. i 21. stav 1. tačka d/. Zakona o javnim nabavkama Bosne i Hercegovine /"Sl. Glasnik BiH" br. 39/14/, člana 38. Statuta Općine Hadžići /"Sl. novine Kantona Sarajevo" broj: 15/09, 17/12, 10/13 i 14/13/, Zaključka općinskog štaba civilne zaštite br. 09/1-40-1-2280-8/20, od 08.05. 2020. godine, u postupanju po Nabavnom zahtjevu Službe za boračko invalidsku zaštitu, izbjegla i raseljena lica Općine Hadžići br. 06-37-3-3143/20, od 12.05. 2020. godine, u cilju ublažavanja negativnih posljedica pojave „Corona virusom“ (COVID-19) na području BiH, u postupku javne nabavke, d o n o s i

### POSEBNU ODLUKU o pokretanju postupka javne nabavke

POKREĆE SE postupak javne nabavke, putem pregovaračkog postupka javne nabavke, bez objave obavještenja o nabavci, za hitnu nabavku 1.354 paketa sa prehrambenim i ostalim artiklima za socijalno ugrožene porodice na području Općine Hadžići, cilju daljeg ublažavanja negativnih posljedica pojave „Corona virusom“ (COVID-19) na području BiH, u svemu prema Nabavnom zahtjevu Službe za boračko invalidsku zaštitu, izbjegla i raseljena lica Općine Hadžići br. 06-37-3-3143/20, od 12.05. 2020. godine, koji čini prilog ove odluke.

Procijenjena vrijednost predmetnih roba, bez uračunatog PDV-a, iznosi do 100.000,00 KM.

Predmetna nabavka sufinansirat će se na način kako slijedi:

- nabavka 154 paketa sufinansirat će se iz budžetskih sredstava Ministarstva za boračka pitanja Kantona Sarajevo, shodno odredbama Sporazuma o pomoći licima iz boračke populacije ugrožene pandenijom /COVID-19/ i njenim posljedicama br. 06-37-3-2909/20, od 21.04. 2020. godine, u iznosu od 12.000,00 KM,
- nabavka 1.200 paketa sufinansirat će se iz iz budžetskih sredstava Općine Hadžići, u iznosu od 88.000,00 KM.

Kriterij za dodjelu predmetnog ugovora je najniža cijena.

Poziv za dostavu ponude u predmetnom postupku nabavke uputit će se „HOŠE KOMERC“ D.O.O. SARAJEVO, najbližem tržištu centru sjedištu ovog ugovornog organa, koji je snabdjeven traženim robama i sa koji ovaj organ ima uspješnu dugogodišnju saradnju.

Odluka o pokretanju predmetnog postupka nabavke i Poziv za dostavu ponude oglasit će se na „web stranici“ Općine Hadžići.

Ova Odluka primjenjuje se od dana donošenja.

### O b r a z l o ž e n j e

Službi za razvoj i stambeno komunalne poslove Općine Hadžići dostavljen je Nabavni zahtjev Službe za boračko invalidsku zaštitu, izbjegla i raseljena lica Općine Hadžići br. 06-37-3-3143/20, od 12.05. 2020. godine, za provođenje postupka nabavke pobježe opisanog u dispozitivu.

U prilogu predmetnog zahtjeva dostavljeni su:

- Sporazum o pomoći licima iz boračke populacije ugrožene pandemijom /COVID-19/ i njenim posljedicama br. 06-37-3-2909/20, od 21.04. 2020. godine /u daljem tekstu Sporazum/
- Zaključak općinskog štaba civilne zaštite br. 09/1-40-1-2280-8/20, od 08.05. 2020. godine /u daljem tekstu Zaključak/.

Iz odredaba predmetnog sporazuma slijedi da će Ministarstvo za boračka pitanja Kantona Sarajevo obezbijediti i na račun Općine Hadžići dostaviti finansijska sredstva u iznosu od 12.000,00 KM, na ime pružanja pomoći socijalno ugroženim licima iz boračke populacije, u cilju ublažavanja negativnih posljedica pojave „Corona virusom“ (COVID-19) na području BiH.

Iz odredaba predmetnog zaključka slijedi set mjera za socijalno ugrožene kategorije stanovništva, koje se odnose i na realizaciju minimalnog kontigenta pomoći u smislu obezbjeđenja paketa sa prehrambenim proizvodima i drugim životnim potrebštinama, u cilju ublažavanja negativnih posljedica pojave „Corona virusa“ (COVID-19), koje se ogledaju u značajno povećanom broju nezaposlenih lica, te lica u stanju socijalne potrebe, nastaloj humanitarnoj krizi i pogoršanom socioekonomskom stanju na području općine Hadžići.

U konkretnom slučaju utvrđeno je da su ispunjeni zakonski uslovi za hitno postupanje ovog organa, u smislu odredaba člana 21. stav 1. tačka d/. Zakona o javnim nabavkama Bosne i Hercegovine /“Sl. Glasnik BiH“ br. 39/14/, jer su za provođenje odabranog postupka javne nabavke, kumulativno ispunjeni sljedeći uslovi:

- a/ postojanje događaja koji se nije mogao predvidjeti – pojava „Corona virusa“ (COVID-19), u Bosni i Hercegovini i proglašenje pandemije od strane Svjetske zdravstvene organizacije od 11.03. 2020. Godine,
- b/ krajnja hitnost zbog koje nije moguće ispoštovati rokove predviđene za druge, redovne postupke javnih nabavki,
- c/ okolnosti kojima se opravdava izuzetna hitnost ovog postupka ne može se dovesti u vezu sa ovim ugovornim organom.

Osim navedenog, provođenje redovnog postupka predmetne nabavke, te eventualni žalbeni postupak u okviru istog, sa kojim se ovaj organ u proteklom periodu susretao, u oblasti javne nabavke prehrambenih artikala, imalo bi za posljedicu dug protek vremena, u trajanju od najmanje 37 dana, a u slučaju žabenog postupka, od najmanje 60 dana, što je za ovaj organ neprihvatljivo, te bi isto dodatno ozbiljno usložnilo socioekonomsko stanje na području općine Hadžići.

Shodno navedenom valjalo je postupiti u smislu odredaba člana 18. i 24. stav 1. tačka d. Zakona o javnim nabavkama Bosne i Hercegovine i člana 38. Statuta Općine Hadžići, te riješiti kao u dispozitivu.

DOSTAVLJENO:

1. Ponuđaču,
2. Evidenciji,
3. Arhivi.

Općinski načelnik

Hamdo Ejubović, dipl. ing. maš.



Bosna i Hercegovina  
Federacija Bosne i Hercegovine  
KANTON SARAJEVO  
OPĆINA HADŽIĆI  
- Općinski načelnik -  
Služba za razvoj i stambeno-komunalne poslove

Broj: 08-11-8-3252-JN/20  
Hadžići, 18.05. 2020. godine

„HOŠE KOMERC“ D.O.O. SARAJEVO  
P.J. HADŽIĆI  
H A D Ž I Ć I

PREDMET: Poziv za dostavu ponude.-

Pozivamo Vas da nam, do 20.05. 2020. godine, do 9,00 sati, dostavite Vašu ponudu, u predmetu javne nabavke putem pregovaračkog postupka javne nabavke, bez obavještenja o nabavci, za hitnu nabavku roba - 1.354 paketa sa prehrambenim i ostalim artiklima za socijalno ugrožene porodice na području Općine Hadžići, cilju daljeg ublažavanja negativnih posljedica pojave „Corona virusom“ (COVID-19) na području BiH, u svemu prema Nabavnom zahtjevu Službe za boračko invalidsku zaštitu, izbjegla i raseljena lica Općine Hadžići br. 06-37-3-3143/20, od 12.05. 2020. godine, čiju kopiju Vam dostavljamo u prilogu.

Kriterij za dodjelu predmetnog ugovora o nabavci je najniža cijena.

Vaša ponuda treba da sadrži:

1/ iskazane cijene predmetnih roba, bez i sa uračunatim PDV-om.

- Rok isporuke,

- običnu kopiju Aktuelnog izvoda iz sudskog registra.

2/ Vašu Izjavu o ispunjavanju uslova lične sposobnosti ponuđača predviđenih članom 45. ZJN-a, popunjenu i ovjerenu kod nadležnog organa, koju Vam dostavljamo u prilogu,

3/ Dokaz o ispunjavanju uslova obavljanja profesionalne djelatnosti ponuđača, predviđenih članom 46. ZJN-a -Vašu običnu kopiju Izvoda iz „sudskog registra“ ne stariju od tri mjeseca na dan prijema ponude.

Ocjena prispjele ponude u predmetnom postupku nabavke, te pregovaranje o istoj izvršit će se dana 20.05. 2020. godine u 10,00 sat, u sjedištu općine Hadžići, II sprat, u Sali općinskog vijeća, kom prilikom je prisustvo Vašeg ovlaštenog predstavnika neophodno!

S poštovanjem,

DOSTAVLJENO:

1. Evidenciji,
2. Arhivi.

Općinski načelnik

Hamdo Ejubović, dipl. ing. maš.